



21. august 2009

UKA 2009/62

Inatsisartut suleriaasianni § 32 naapertorlugu aalajangiiffigisassatut siunnersuut imattoq matumuuna saqqummiupparput:

Kalaallit Nunaanni meeqqat inuuusuttullu angerlarsimaffiup avataanut inissinneqartartut sullinneqarnerisa nakkutigineqarnerat sukateriffineqaqqullugu Naalakkersuisut sulissuteqaqqullugit Inatsisartut aalajangiiffigisassaattut siunnersuut.

(ATASSUT-ip Inatsisartuni ilaasortaatitai: Finn Karlsen, Siverth K. Heilmann, Knud Kristiansen)

Tunngavilersuut:

Meeqjanik inuuusuttunillu ikorsiisarneq pillugu Inatsisartut peqqussutaat nr. 1, 15. april 2003-meersoq kingusinnerusukkullu allanngortinneqartoq naapertorlugu ulloq unnuarlu paaqqinniffit ingerlanneqarneri, aningaasatigut aqunneqarneri aammalu perorsaanikkut sullissineri pillugit Naalakkersuisut nakkutilliisussaapput.

Ulloq unnuarlu angerlarsimaffit pisortat pigalugillu ingerlassaasa saniatigut suliffeqarfif imminut pigisutut ingerlasut arlaqaleriartortut neqerooruteqartarpuit meeqjanik inuuusuttunillu angerlarsimaffiup avataanut inissinneqartussanik inissuumallutik.

Taamatut ineriartortoqarnera ATASSUT-mit ippinnartoqartinngilarput, taamaattori aamma pingaartipparput sutigut tamatigut qulakkeersimaneqassasoq meeqqat inuuusuttullu angerlarsimaffiup avataanut inissinneqarsimasut sullinneqarnerisa pitsaanerpaatinneqarnissa.

Suliffeqarfif namminersortut amerliartortut meeqjanik inuuusuttunillu ajornartorsiuteqartunik inissiivittut atorneqaleriartortillugit tamatuma ilutigisaanik inatsisitigut toqqammavigineqartut ersarissarneqarlutillu sukaterneqartarnissaat ATASSUT-mit pissusissamisoorsoraarpuit.

Eqqaamaneqartariaqarpormi meeqqat inuuusuttullu angerlarsimaffiup avataanut inissinneqartariaqartartut inuunerminni aqquaagaat imaannaanngitsusarmata, allaallu meeqqat inuuusuttullu ilaat imminut inoqatiminnullu ulorianartorsiortitsisinnaassuseqalersimasarmata, taamaammallu siunertaqarluinnartumik aammalu qaffasisumik pitsaassusilimmik sullinneqartariaqartuummata.

Taamaammat ATASSUT-mit matumani minnerpaatut piumasaraarpuit makku naammassineqassasut:

- Meeqjanut inuuusuttunullu ulloq unnuarlu inissiivinnut piumasaqaatit sukaterneqassasut ersarissarneqarlutillu.
- Naalakkersuisut nakkutilliisussaatitaanerat ersarissarneqassasoq.
- Peqqussut malillugu meeqqat pillugit paasisimasalittut qitiusumik ataatsimiititap suliassai ersarissarneqassasut.

Taamatut tunngavilersuuteqarluta siunnersuut Inatsisartunut suliassanngortipparput.

ATASSUT INATSISARTUNI



ATASSUT I INATSISARTUT

Qujanaq.